

重輯靜海縣志卷之六

人物志

上傑地靈地未有不以人重者靜爲煙波浩渺之鄉應多
聰明奇偉之士乃考之往昔大聖大賢曾不數見求之近
今功名德業亦屬無多豈山川之故悶其靈與及曲證旁
搜其佚乃時時見於他說蓋湮沒不傳者多矣前徽可紹
聽其跡滅聲銷當代雋才等諸煙雲過眼豈非都人士之
責與卽舊志所有重加編輯復於耳目能及者口咨而筆

著之風勸斯在缺略實多儒林道學文苑武功忠孝節義
方術技能高人逸士固未能條分而縷析也

前明鄉賢

王恭字克莊宋宰相文正公沂之裔脩髯偉貌廉介寡言
洪武甲寅充邑庠生丙子授五軍稽禮司斷事剖決詳明
同上意以寅改大理寺評事永樂初陞左寺副又陞右寺
正四任大理疏沈滯解疑枉民無冤焉乙酉陞蘇州府知
府開倉賑饑修隄防水吳人翕然稱之調大原府赤心愛

民聲溢兩郡甲辰調漢陽府時長吏不得民心恭以正言
匡之民謠曰李公暴虐貪恹汰侈若非王公吾民半死後
致仕歸百姓攀轅泣送不忍舍且性至孝自斷事以至郡
守必奉母張太夫人偕行平生篤摯詳慎故蒞任則有能
聲處家則有美譽壽八十有七

鄭氣字浩然正德庚午舉人甲戌進士授涇縣知縣裁決
如流任滿報最民立生祠祀之陞監察御史尋擢河南按
察司陞右布政司尋轉陝西左布政司氣爲御史時靜海

地闊貴戚多侵占氣設方略收復之又民間寄牧稱累氣
白於當事減有七民賴以生舊派役有青衣夫不勝擾害
力爲邑侯言罷之氣天性仁愛不遺故舊自治甚嚴而待
人有禮歿祀鄉賢

張簡字易從嘉靖戊午舉人隆慶戊辰進士補大同府推
官以治行陞監察御史代巡江右分甯清安間多盜數簡
移檄勦之民賴以安移節中州中州人德之如江右焉還
奏適大計吏簡掌首道條疏七事擢大理寺丞晉右少卿

未幾爲言事者所中遂歸簡脩髯偉貌幼時警敏強記於
星象卜筮諸書靡不究覽著述半逸不傳

陳燿字德孚嘉靖乙酉舉人弱冠未婚聯捷進士生而穎
異十歲工文日記數千言爲文暢朗有古氣歷陞刑部員
外郎中訊斷明決尙書唐龍甲常謂諸司曰獄必經陳郎
中手始無枉縱恤刑河南數十年疑獄一語立剖老吏傾
服呼爲神明太宰張孚敬兼經筵重其文學令編摩進講
語錄燿多用諷諫語尋陞湖廣副使復除冀南兵備以註

重華錄卷之三
誤謫萊州府同知復陞山西督糧參政時邊餉缺乏燿轉
運有方不至告匱再陞河南按察使政簡刑清汴民爲謠
曰前有鄭廉後有陳廉同起靜海心慈令嚴會推大同巡
撫僉都御史

鉉默字中象萬厯戊午舉人已未進士任河南懷慶府推
官行取吏科給事中尋以不附逆璫還籍崇禎元年復起
爲吏科給事中時有巨奸陳雲漢假名屯田增賦害民合
縣俯首無策默獨經畫多方得紓其害勞怨不恤士民尸

祝厯太常卿六年以食都御史旋推河南巡撫清忠亮節
朝野稱揚公舉崇祀鄉賢

蕭應禎字以賢年十四充弟子員十八食餼隆慶庚午以
麟經中順天鄉試性鯁介不入縣署而接人謙和屢蹟春
闈晚年就銓任常州別駕推鞠務得其平常例却而不受
廉聲遠著後改開封府嚴定稅額分毫不妄取商民愛戴
焉疾不起四壁蕭然僚友爲含殮子孫挾貲踵至櫬始得
歸享年七十有七公舉入鄉賢祠

重刊蒲州府志卷之六
四
邊維新字鉉鑑萬厯庚子舉人任鞏縣知縣庭無冤獄野
無追呼輦人敬之陞邠州知州以痼疾予告歸時要人欲
羅致之幕下餌之以高爵不應每謂諸子曰予欲汝輩爲
清白吏子孫冰山安可恃乎卒祀鞏縣名宦祠

官繼蘭字鶯鄰崇禎丁丑進士性至孝學問博洽除工部
都水司主事視河夏陽首倡築城卒如所議資推固原道
參議尋出守兗州府藩封地二十七州縣錢糧四十餘萬
侵欠莫稽繼蘭以城守爲先力嚴保甲每立一法親貴莫

敢撓清出舊欠二百六十三萬有奇自爲疏上之垂斃之
民獲更生焉以母老乞歸家居二十年旋起羅定兵備道
辭不赴年八十卒祀兗州名宦祠

國朝

蕭正埏字自牧性敏好學弱冠入庠食廩少從侗初張先
生遊侗初器重之謂爲北方不多得之士九赴秋闈弗售
構書鍵戶研窮性命之學順治二年蒙

恩取貢任河南睢州州判重士愛民立社課藝丙戌己丑聯

發南宮數人皆出自門下後調鄭州州判署虞城縣篆政
聲嘖嘖正挺得大儒訓迪有體有用愛君子化小人一時
稱爲端士

高爾修字中實號正庵順治丙戌舉人已丑進士任浙江
遂安縣知縣政令精詳愛民如子遂安多深山峻嶺開創
時萑苻未靖爾修殲厥渠魁散其黨羽全活無辜者甚衆
四境之內畏威懷德去任之日民爲之建碑立祠因親乞
請歸養丁酉秋陞刑冒山東司主事己亥陞江南司郎中

世祖朝大獄皆提部親鞠江南案牘尤繁爾修參勘愼密滿漢
推服斯時兩省學憲缺出資俸應爾修陞授念父年高山
川險阻不能迎養又不忍遠離膝下遂援例請假奉

旨終養回籍庚子辛丑在家侍養自書楹帖云適志蓴鱸戶
外雲深草色綠承歡菽水堂前花煖綵衣斑壬寅丁父憂
甲辰服闋乙巳補刑曹貴州司郎中丁未遷江南道監察
御史戊申遷雲南道監察御史奉

命兩次巡視東城立朝風裁愼愼建白俱有關

國家大體鄉會試入簾分房校士所取皆一時名流後以疾歸里督耕課讀不預外事草笠布衣見者以爲寒士不知其從仕宦中來也

郭允昌字繩繩賦性奇磊篤嗜古文爲文豪放不羣童年入庠食餼崇禎己卯中順天第二名舉人制藝傳誦中後閉戶讀書不預外事

國朝定鼎初按學兩院交章薦除南陽府裕州知州興利去害民立祠祀之內擢刑部員外郎尋以州民鹽引不足出

任東昌府通判兵民立碑東門轉順天府通判復擢宗人府經歷陞福建延平府知府卒於官有大才而未及施展論者惜之

元展成字允脩號芝亭爲諸生時卽負不世才以廩貢生任兩淮鹽課大使裕國卹商并有條理時與兩江鄂制軍義氣符合累遷至山西按察使旋陞貴州巡撫貴州有苗匪兄弟四人與其母苗霞飛作亂展成出奇兵擒其魁削平之鄂制軍以詩獎其功有偉績千秋孰與京之句歷甘

肅巡撫番衆畏服部落帖然署內建水鑒亭以明志又建
皋蘭書院課士甘省人文因之蔚起撫署內室屋梁生芝
人以爲德化所致雍正末年

誥授資政大夫

牛天宿字戴薇讀書過目不忘年十二下筆有奇氣康熙
丁卯舉人屢躋禮闈因倡立文社獎引後學門下多登甲
科者詩古文詞雜作積成百卷俱精卓可傳矣未登進士
補粵西融縣知縣撫苗民以時雨輒應融民爲作

德政碑上憲重其才遇艱鉅事必委辦鄰邑疑獄必以諮
俸滿以治行擢吏部主事雍正初陞河南同知署輝縣知
縣以疾歸著有謙受堂文集

牛思任字鉅膺性敏達喜讀書康熙甲午舉人聯捷進士

雍正三年補江西南城縣知縣視事明察公務旁午理之
裕如曾檢舊卷脫一人於大辟邑中巨奸斂跡士民感頌
十二年改授河南尉氏縣知縣境內河道壅塞下車卽興
工挑築水利瘠田饒沃一邑賴之性廉靜俸外毫無所取

邑人餽遺皆不受告歸後兩袖清風依然寒素焉

勵杜訥字近公原籍浙江祖宏入靜海籍杜訥年十九爲諸生學問淵通尤工書法以繕寫

世祖實錄敘勞補福甯府同知未赴

賜食六品俸入值

內廷尋舉博學宏詞授翰林院編修累遷刑部右侍郎出入

禁闥二十餘年小心慎密前後疏奏多所建白刑獄平恕務成信讞無所瞻徇卒諡文恪雍正九年追贈禮部尙書祀賢

良祠

勵廷儀字南湖杜訥子康熙庚辰進士翰林院編修父子相繼值

內廷誠敬精密

聖祖仁皇帝褒之日學問既優人品亦好累遷內閣學士兼禮部侍郎

世祖憲皇帝御極授翰林院掌院學士一切大典多所贊襄嗣遷刑部尙書十年咸推明允